




GOVERNMENT OF SAMOA
**MINISTER OF SAMOA TOURISM AUTHORITY,
PUBLIC TRUST, AUDIT, SAMOA TRUST ESTATE CORPORATION**



16 Oketopa 2020

Afioga i le Fofoga Fetalai
Fono Aoao Faitulafono o Samoa

E tusa ai ma le Tulafono o le Faatulagaina o Tofi Minisita ma Matagaluega 2003 ma le Vaega 17 & 22 o le Tulafono o le Ofisa Tausi Mavaega 1975, ou te tuuina atu ai ma le faaaloalo le Lipoti Faale Tausaga a le Ofisa Tausi Mavaega mo le Tausaga faai'uina 30 Iuni 2020.

Tuuina atu ma le fa'aaloalo

A handwritten signature in black ink, appearing to be 'Salā Fata Pinati'.

Salā Fata Pinati
Minisita Ofisa Tausi Mavaega

OFISA TAUSI MAVAEGA

**Lipoti Fa'ale-Tausaga
Mo le Tausaga Fa'aletupe na Fa'aiuina
30 Iuni 2020**

FAASOLOGA

- 1. Fa'atomuaga**
- 2. Lipoti a le Ta'ita'ifono**
- 3. Lipoti a le Tausi Mavaega**
- 4. Lipoti a Sui Fa'atonu**
- 5. Lipoti a le Pule ma Su'etusi Sili ma Fa'amatalaga Tau Tupe - 2020**

LIPOTI FA'ALE-TAUSAGA MO LE TAUSAGA FA'AIUINA 30 IUNI 2020

FAATOMUAGA

O le tofa mamao a le Ofisa Tausi Mavaega a le Malo (“o le Ofisa”) o le avea lea ma Ofisa o filifiliga muamua e tuuina atu auaunaga tau esetete ma mavaega tausī i totonu o Samoa.

O loo tumau pea le faamoemoe a le Ofisa ina ia ausia sini autu nei i le tausaga 2023:

1. *Ia siitia tupe maua e ausia;*
2. *Faatumauina o le tulaga maua luga faataatitia o auaunaga tau le faafoega o esetete;*
3. *Faaauau ona faatautaia o polokalame faa-aoaoga e siitia ai tomā ma agavaa o ana punaoa tau tagata faigaluega; ma*
4. *Tulimatai le faatinoga o faiga talafeagai o faamatalaga ua faapolokalameina i masini komepiuta.*

O loo aofia i lenei lipoti se faatulagaga ootoo e le Taitaifono o le Komiti Faatino, o taulai ai le vaai i mataupu o fuafuaga faataatitia e fitoitonu i le Ofisa, ae faapena foi i le Lipoti a le Tausi Mavaega a le Malo i le faatinoga o auaunaga lautele a le Ofisa mo le tausaga faaletupe ua faaiuina. O lo o aofia ai foi i le lipoti le manatu faasuetusi o le Pule ma Suetusi Sili, lea o lo o tuuina atu faatasi ma Faamatalaga Tau Tupe Faaletausaga mo le tausaga faaletupe ua faaiuina i le aso 30 Iuni 2020.

16 Oketopa 2020.

LIPOTI A LE TAITAIFONO O LE KOMITI FAATINO

Lau Afioga i le Fofoga Fetalai
Fono Aoao Faitulafono a Samoa
MULINUU

E tusa ai ma Vaega 17 ma le 22 o le Tulafono o le Ofisa Tausi Mavaega 1975 (“o le Tulafono”), ou te faataatia ai i luma o le Fono Aoao Faitulafono le Lipoti Faaletausaga ua faapipiina atu faatasi ai ma Faamatalaga Tau Tupe a le Ofisa Tausi Mavaega a le Malo (“o le Ofisa”) ua maea ona sueina faasuetusi mo le tausaga na faaiuina i le aso 30 Iuni 2020.

I le tapenaga o nei lava lipoti, ou te fia faaalua nai faamatalaga oototo i nisi iloiloga taua o lo o faaauau pea ona tulimataia mo le faaleleia atili o le Ofisa.

O vaega autu nei e lua (2) o lo o faaauau pea ona ave i ai le faamuamua a le Ofisa, ma le faamoemoe ina ia ausia, e lē gata i le gafataulimaina e le Ofisa lava ia le tulaga tau tupe, a ia mafai foi ona faatino o se faiga aupito sili ona lelei e faafocina ai esetete:

(1) Siitia o Tupe Maua


Ina ia mafai ona ausia le faamoemoe o le Ofisa o le mafai lea ona avea ma faalapotopotoga e gafataulimaina ona faatupe e ia lava ana galuega faatino mo se taimi umi, ua faaauau ai pea e le Ofisa ona ave le faamuamua i le aoina mai o tupe totogi mai mo galuega faatino e ana paaga i totonu o se taimi vave, faataitaiga. suli o esetete, atoa ai ma le auiliilina o isi auala talafeagai e faafaigaluegaina ai ana tupe teu.

(2) Iloiloga Faaauau o Faatulagaga Tau Tupe

E pei ona taua i lipoti faaletausaga ua mavae, ua faatatauina e le Ofisa le iloiloga faaauau o lona tulaga tau tupe o i ai nei, o se manaoga faataatia ua tatau ai, ina ia mafai ai ona fuafuaina o se tau aogā e sili atu ona moni atoatoa ma tuulata mai, o ana aseta ma ana aitalafu i so o se taimi lava e manaomia ai. O lenei iloiloga e manaomia ina ia faatulaga i fuafuaga faataatitia i le itu tau tupe, e taua tele mo le Ofisa ina ia mafai ai ona tutoatasi i le lumanai ma faatupe ana ia lava galuega.

E tāua foi ona faaauau le faaleleia ma le siitia o tomai ma agavaa o le aufaigaluega a le Ofisa, ina ia mafai ai ona faamalieina manaoga moomia mai ia i latou e ala i le latou faatinoga ma taunuuga o a latou galuega faatino, e pei ona faatulagaina i le Fuafuaga Autasi, ma ia ausia ma faamalieina ai sini ma taunuuga moomia o faataatitia atu ai.

Ma le fa'aaloalo tele

A handwritten signature in blue ink, consisting of several loops and a long horizontal stroke extending to the left.

.....
Tagaloa Fa'afouina Su'a

Taitaifono - Komiti Faatino o Tupe Teufaafaigaluega a le Ofisa Tausi Mavaega a le
Malo

Please address all communications to-

THE PUBLIC TRUSTEE

P.O. BOX 2021

APIA, SAMOA



GOVERNMENT OF SAMOA

Public Trust Office

Telephones : (685) 21-061
(685) 21-062
Fax : (685) 21-063
E-mail : ptrustee@publictrust.ws
Floor 5, TATTE Building
Sogi, Samoa
Website : www.publictrust.ws

16 Oketopa 2020.

Afioga Salā Fata Pinati Ah Leong
Minisita o le Ofisa Tausi Mavaega
Maota FMFM II
Apia

Afioga e

E tusa ai ma Vaega 17 ma le 22 o le Tulafono Autu o le Ofisa Tausi Mavaega 1975, ou te tuuina atu ai ma le agaga faaaloalo tele le Lipoti Fa'ale-Tausaga mo galuega faatino a le Ofisa Tausi Mavaega i le sefululua masina na faaiuina i le aso 30 Iuni 2020, mo le folasia i luma o le Palemene.

Faia ma lo'u ava tele

.....
Leapepe Peleseuma Mata'utia F.S. Ropati
Tausi Mavaega a le Malo

LIPOTI A LE TAUSI MAVAEGA A LE MALO

Talaaga ua tuufaatasia faaletulafono

O le Ofisa Tausi Mavaega a le Malo na faavaeina, ma e galue i lalo o le Tulafono Autu o le Ofisa Tausi Mavaega 1975 (“Tulafono Autu”). O mafuaaga autu mo lona faavaeina, o le:

“faamautinoaina o le tumau pea o le iai o le avanoa mo e o loo sailia se fesoasoani mo mataupu tau esetete, aemaise ai le tausiga ma le faamaapeina o esetete e tusa ai ma le tulafono, i se tau e gafatia e i latou e moomia lea auaunaga.”

O matafaioti autu o le Ofisa e pei ona aiaia i lalo o le Tulafono Autu, e aofia ai vaega ua taua i lalo:

1. *Faamaapeina o esetete a e ua maliliu;*
2. *Aiaiga o galuega faa-Tausi Mavaega e aofia ai le puleaina o mataupu tau tamaiti ma tagata e le atoatoa le mafaufau, ma isi;*
3. *Tapenaina ma le tusia o mavaega/uili ; ma*
4. *Vaia lelei le faafaigaluegaina tatau o tupe mai esetete ma mavaega tausiga.*

Faamatalaga o le Tofa Mamao

Ia avea le Ofisa ma Faalapotopotoga e faamuamua i faiga filifiliga o auaunaga tau esetete ma tausiga mavaega o tuuina atu i totonu o Samoa.

Faamatalaga o le Vaaiga Taulai

O le Vaaiga Taulai a le Ofisa, i le avea ai ma Faalapotopotoga Tau Fefaatauaiga a le Malo, o le ofoina atu lea o auaunaga tau tomai faapitoa, ma le tutoatasi i galuega tau esetete ma tausiga mavaega, i tagata lautele o Samoa.

O Aga Tausili

I se taumafaiga ina ia ausia le Tofa Mamao ma le Vaaiga Taulai a le Ofisa, o aga tausili faavae nei a le Aufaigaluega, Pulega ma le Komiti Faatino o Faatonu:

FAAALOALO – o le faaaloalo e patino i le tagata lava ia ma tomai faapitoa o le tasi i le tasi tagata, ma a matou paaga o faia i ai le auaunaga.

AUAUNAGA – ia taulai le vaaiga i le auaunaga tuuina atu i paaga totino.

FAAMAONI – saoloto, faamaoni ma taualoa le tuuina atu o auaunaga.

Sini Faavae o le Pisinisi

O le taialaina i se tulaga lautele o galuega a le Ofisa mo le vaitaimi ua taulai i ai le vaai, o le faatinoina lea o ana galuega tauave ma faatino ona malosiaga ina ia mafai ona avea ma galuega faamanuiaina e ala i le:

- i. *faagaoioia e tusa ma faiga masani faapisinisi ua mautu;*
- ii. *faagaoioia i se tulaga lelei ma siitia i se tapulaa aupito maua le tau aoga moni o le galuega;*
- iii. *fa’aaogaina o le Tulafono o Sootagavalelei o Leipa ma Galuega 2013 faapea ai ma vaega talafeagai o le Tusitaila o Tu’utuuga o Galuega mo Auaunaga ma Faamanuiaga a le*

Komisi o Galuega a le Malo e mulimulitai ai ana Faigafaavae mo le Puleaina o Tagata Faigaluega.

Taiala Faata'atitia o le Pisinisi

O le aotelega o gaoioiga autu faapisinisi o tauaveina e le ofisa o le:

- i. tuuina atu i le atunuu lautele o avanoa i fautuaga tau tomai faapitoa ma auunaga e faasino i auunaga faatausi mavaega, e aofia ai mavaega, faamaapeina o esetete ma le puleaina o mavaega tausi;
- ii. puipuia o aia tau tupe a tagata taitoatasi i lalo o tulaga faaletulafono, o le le atoatoa o le malos i le tino ma le mafaufau, lea ua tofia ai le Tausi Mavaega a le Malo e galue e fai ma o latou sui po o le leai o se tagata ua faatagaina e tuuina atu se tulaga faamatuu atu aloaia mo le totogiina atu o so o se tupe po o le faaoo atu o meatotino i so o sea tagata;
- iii. faamaapeina o esetete ma mavega tausi, e tusa lava po o le a o latou tau aoga;
- iv. galue e ave ma sui sooupu mo le Malo i le faafoeina o tupe o tau/tupe e le i tapaina/tupe o mavaega tausi, ia e le i fuafuaina ma faamaonia tagata e faamanuiaina ai.

Galuega Tau Tupe e pei ona i ai i le aso 30 Iuni 2020

O le aofai o le tupe mamā na tulai mai i galuega faatino mo le tausaga faaletupe o loo lipotia e \$436,874 tala pe a faatusatusa i le tupe mamā e \$517,842 tala mo le tausaga na mavae atu nei.

O le aofaiga o tupe teu fa'afaigaluega i le Kamupani o Pulega a le Fa'aputugatupe Teu-Fa'afaigaluega o Mavaega Tausi a Samoa (Unit Trust of Samoa/UTOS) i le aso 30 Iuni 2019 e \$7,019,259 tala pe a faatusatusa lea i le aofaiga e \$7,580,484 tala na faamauiina i le aso 30 Iuni 2020. O lenei siitiga i tupe teu faafaigaluega e afua mai i iunite faaopoopo e 231,820 na faatauina i le UTOS, a o faagasolo le tausaga faaletupe, lea e tusa lona tau aogā ma le \$380,865 tala, atoa ai ma le siitia o le tau aogā talafeagai o le tau o le iunite e tasi mai le \$1.63 e pei ona i ai i le aso 30 Iuni 2019, i le \$1.68 na i ai i le aso 30 Iuni 2020.

I le tulaga o Faaunegatupe ma Tului, o le aofaiga mamā o faaunegatupe na faamauiina e oo mai i le aso 30 Iuni 2020 e \$285,594 tala e faatusatusa lea aofaiga mamā o faaunegatupe mo le tausaga talu ai e \$282,985 tala. O le siitia o le tau aogā mamā i le \$2,609 tala, e mafua mai i le fetuunaiga o tupe faaagaga mo nogatupe masalomia le le toe totogiina mai i totonu o le tausaga faaletupe. O tupe faaagaga mo nogatupe e le o mautinoa le toe faaolaina mai e \$1,184,353 tala i le aso 30 Iuni 2020, ua faaitiitia mai i le \$1,233,944 sa iai i le tausaga ua tea. O loo faaauau pea galuega a le Ofisa e aoina mai nogatupe i lona aofaiga e \$1,469,947 tala.

E \$774,850 tala le aofaiga na ausia ai tupe maua na faatapulaaina e le Ofisa mo le sefululua masina e \$672,800 tala pe a faatusatusa i le tupe maua na faamauiina e \$1,447,650 tala mo le tausaga faaletupe na faaiiina i le aso 30 Iuni 2020.

O le aofaiga o tupe faaalu faamauiina a le Ofisa e \$1,010,776 tala ma e \$405,154 tala ua faaitiitia ai pe a faatusatusa i le aofaiga o tupe faaalu fuafuaina e \$1,415,930 tala ma e atagia mai ai le lelei o le faasoasoa ma faatonutonuina o le faaaogaina o tupe a le Ofisa. E \$436,874 tala le tupe mamā na faamauiina mo le tausaga faaletupe ua lipotia (tupe maua na faamauiina e \$1,447,650 toese tupe faaalu e \$1,010,776 tala).

O le aofai o aitalafu tauave (Faaputuga Tupe o Esetete, Taui o Fanua, Teugatupe tau Mavaega ma Tinoitupe e lei Tapaina) i le tausaga faaletupe na faai'uina i le aso 30 Iuni 2020, e \$5,232,091 tala pe a faatusatusa lea i le aofai e \$3,783,479 tala i le tausaga 2019. O lenei siitiga e \$1,448,612 tala i aitalafu tauave ua mafua mai i tupe maua mai i le faatauina atu o fanua mo esetete e lua (2) i totonu o le tausaga faaletupe.

O aitalafu tauave nei:

	2020	2019
	\$	\$
Faaputuga Tupe – Esetete, Tau i o Fanua, Teugatupe tau Mavaega ma Tinoitupe e lei tapaina	\$5,232,091	\$3,783,479

Aoina o Aitalafu mai Nogatupe

O le aoina o aitalafu o loo totoe mai nogatupe a le Ofisa, sa faatinoina e ala i le mataituina o nei aitalafu atoa ai ma fesootaiga faafesaga'i (pe a talafeagai) poo fetuunaiga ma tagata o lo o nofo aitalafu, ma le tuuina atu o mataupu tau nogatupe i le Faamasinoga. E leai se tupe mamā na aoina mai i tului i luga o nogatupe mo le tausaga faaletupe na faaiuina i le aso 30 Iuni 2020 pe a faatusatusa i le aofaiga na aoina mai i tului i luga o nogatupe i le tausaga ua mavae e \$1,082 tala. Ua mafua mai ona o le faamutaina ona toe faaopopo o tului i nogatupe tauave i totonu o le tausaga faaletupe o loo lipotia.

Faamaapeina o Esetete

I le amataga o le tausaga faaletupe o lo o lipotia, e faselau male valusefuluiva (489) le aofai o esetete sa faamauina i le Ofisa. E tolusefululima (35) esetete fou na faato'ai mai mo le faamaapeina atoa ai ma le esetete ua leva e tasi (1) na toe tatalaina ae tolusefuluvalu (38) esetete sa mafai ona faamaapeina ma tapunia i totonu o le tausaga faaletupe. E faselau ma le valusefulufitu (487) le aofai o esetete sa faamauina i le aso 30 Iuni 2020.

E \$649,877 tala le aofaiga o le tinoitupe e patino i esetete i le amataga o le tausaga faaletupe. Na ausia e le Vaega o Esetete le tupe maua e \$591,903 tala ma ua sili atu ma le alafua sa fuafuaina mo le tausaga faaletupe e \$573,000 tala. E oo atu i le faaiuga o le tausaga faaletupe, e \$1,960,852 tala le aofaiga o le tinoitupe e patino i esetete. Ua mafua lea siitaga ona o tupe maua mai i le faatauina atu o fanua mo esetete e lua (2) i totonu o le tausaga faaletupe.

O loo faaauau pea e le Ofisa le ave o le faamuamua i lana auunaga tau le faamaapeina o esetete lea o loo avea ma ana galuega tauave fa'aautū. I lea lava foi taimi, o loo feagai ma o le a faaauau pea e le Ofisa ona faautagia nisi o itu eseese taua o loo faalavelaveina ai le faamaapeina o esetete ua leva i tausaga ua mavae. O nei itu taua poo mataupu o loo faalavelaveina ai le faamaapeina o esetete e aofia ai le le auina mai e suli o esetete o faamaumauga ma tupe e manaomia e le Ofisa, o le lē ma iloa o faailoga e iloagofie ai ma nofoaga o suli o esetete ma esetete o loo aafia i ni taualumaga faaletulafono.

Pulega Tau Mavaega

E valusefuluono (86) le aofai o Teugatupe Tau Mavaega sa faamauina i le amataga o le tausaga faaletupe. O le aofai o tupe sa tauaveina e nei Teugatupe Tau Mavaega e \$313,553 tala. I le faagasologa o le tausaga faaletupe, e valu (8) Teugatupe Tau Mavaega fou na amatalia pe faato'ai mai, ae fa (4) foi Teugatupe Tau Mavaega na tapunia. O lona uiga, i le faaiuga o le tausaga faaletupe, e ivasefulu (90) Teugatupe Tau Mavaega sa faamauina, ma lo latou tinoitupe aofai e \$297,051 tala.

Mavaega/Uili

I le amataga o le tausaga faaletupe, e afe lua selau fasefulutolu (1,243) mavaega/uili sa faamauina i le Ofisa. E tolusefululima (35) mavaega/uili fou sa tapenaina ma faamauina i faamaumauga i

totonu lava o le tausaga faaletupe ma ua atoa ai le afe lua selau fitusefuluvalu uili (1,278) faamauina mo le tausaga. E ono (6) mavaega/uili na teuteuina/faia iai suiga i totonu o lenei tausaga faaletupe.

PEPA O OTOTOOGA

Tausaga na tea nei		Aofaiga Tausaga nei	Faatatauina mo le Tausaga nei
\$1,509,439	Tupe maua	\$1,447,650	\$672,800
-	Tupe mamā	-	-
-	Pasene o Tupe mama	-	-
\$991,597	Tupe Faaalu	\$1,010,776	\$1,415,950
\$517,842	Tupe (Pau)/Mamā e aofia ai le lafoga	\$436,874	(\$743,130)
\$517,842	Tupe (Pau)/Mamā ua toesea ai le lafoga	\$436,874	
\$7,608,710	Meatotino i le taimi nei	\$9,491,409	
\$9,185,341	Aofaiga o Meatotino	\$10,961,388	
\$502,958	Aitalafu i le taimi nei	\$550,039	
\$4,286,437	Aofaiga o Aitalafu	\$5,782,130	
\$4,898,904	Tupe Faaagaga	\$5,179,259	
\$181,244	Tupe Mama na totogi i le Malo	\$152,906	
\$7,174,605	Tupe Fetafeai	\$9,301,874	
34.31%	Tupe Mamā e aofia ai le Lafoga o se pasene o Tupe Maua %	30.18%	
15.13 : 1	Tuu faafeagai o Meatotino i le taimi nei ma Aitalafu i le taimi nei	17.26: 1	
0.87 : 1	Tuu faafeagai o Aofaiga o Aitalafu ma Tupe Faaagaga	1.12 : 1	
10.57%	Tupe Maua mai i Tupe Faaagaga %	8.44%	
7	Aofaiga o Tagata Faigaluega	8	

ALAFUA O LOO I LE FUAFUAGA AUTASI 2017-2020

O loo faataatia atu i lalo ni alafua o loo i totonu o le Fuafuaga Autasi i lenei tausaga faaletupe:

PULEGA LELEI:

Alafua
➤ 100% le faasiliga i tupe mamā i le tausaga faaletupe 2020. Ausia
➤ 100% le mulimulitaia o taiala mo tufatufaga totogi atu i le Malo ia Novema i tausaga taitasi. Ausia
➤ Faatinoina le iloiloga o sini autu/tapulaa faataatitia i le faaiuga o tausaga faaletupe taitasi. Ausia
➤ 100% le mulimulitaia ma le ausiaina o aso faatulagaina/faatapulaaina mo ripoti. Ausia
➤ 100% le mulimulitaia o faiga faavac ma faatonuga a le Malo. Ausia

VAEGA O ESETETE MA TEUGATUPE TAU MAVAEGA:

Alafua
➤ 60% le faasiliga i tupe maua mai i le faafoeina o mataupu tau esetete i le tausaga faaletupe 2020. Ausia

➤ Faamaca le iloiloga o le faatulagaga faaletulafono o le puleaina o esetete ia Iuni o tausaga taitasi. Ausia
➤ Faamaca le iloiloga ma le tulaga tuulata mai o faamatalaga o esetete ma le ausiaina o sini faatulagaina i amataga o masina taitasi. Ausia
➤ Faamaca le faafoeina o mataupu tau esetete pe tusa ma le 35 esetete i tausaga taitasi. Ausia
➤ Faamaca le iloiloga o faiga faavae ma taiala mo le tausiga ma le faamaapeina o esetete. Ausia
➤ 1% le faasiliga i uili/mavaega fou ma teuteuina ia Iuni i tausaga taitasi. Ausia
➤ Faamaca le faafoeina o mataupu tau esetete tuai i le pe a ma le 20% i le tausaga faaletupe 2020. Ausia

VAEGA O MATAUPU TAU TUPE MA TUPE TEU FAFAIGALEGA:

Alafua
➤ Faatinoina o galuega i aso taitasi ina ia maea ona tapenaina lipoti faatulagaina mo masina, kuata ma tausaga taitasi. Ausia
➤ Faamaca le iloiloga o galuega faatulagaina o lo o iai i le taimi nei i mataupu tau tupe ia Aperila i tausaga taitasi. Ausia
➤ Faatumauiina le lelei o tupe fetafeai. Ausia
➤ Faamaca le iloiloga o faiga faavae ma taiala mo puipuga faalotoifale lelei ia Tesema i tausaga taitasi. Ausia
➤ Leai ni mataupu e fesootai atu i le lē mulimulitaia o tulafono ma taiala ua maea ona faataatitia e laga i lipoti a suetusi mai fafo (external auditors) i le aso 31 Oketopa i tausaga taitasi. Ausia
➤ Faamaca ona resitalaina o faamatalaga lata mai o meatotino tumau i tausaga taitasi. Ausia
➤ Mulimulitaia o taiala faataatitia IFRS faapea ona leai o ni mataupu e laga e suetusi i tausaga taitasi. Ausia na o se vaega
➤ Tapenaina ma tuuina atu lipoti faalekuata i le aso 30 o le masina e sosoo ai pe a maea le kuata i le Matagaluega o Faalapotopotoga a le Malo (MPE). Ausia
➤ Tuuina atu Lipoti Faaletausaga i le Palemene i le aso 31 Oketopa i tausaga taitasi. Ausia
➤ Tapenaina ma tuuina atu pepa faatumu o le lafoga faaopoopo i tau o oloa mo galuega faatino i le aso 21 o le masina e sosoo ai pe a maea masina e lua e pei ona faatulagaina e lipoti ai i le Matagaluega o Tiute ma Tupe Maua (MCR). Ausia
➤ Faa'auau ona iloiloina ma fetuunai (pe a talafeagai) nogatupe i le aso 30 Iuni i tausaga taitasi. Ausia
➤ Faamaca ona iloiloina faiga faavae ma taiala mo le aoina o nogatupe i le aso 31 Iulai o tausaga taitasi. Ausia
➤ Tuutiitia ia tupe tuai ona totogina mai (arrear) pe tusa ma le 50% o nogatupe i le tausaga faaletupe 2020. Ausia
➤ 5% le faasiliga i tupe teufaafaigaluega ia Iuni i tausaga taitasi. Ausia
➤ Faamaca le iloiloga/faatusatusaga o auala eseese e faafaigaluega ai tupe ia Tesema ma Iuni i tausaga taitasi. Ausia
➤ Aoina totogiga o nogatupe e \$30,000 i le tausaga faaletupe 2020. Ausia
➤ Faatautaia le PMA i tausaga taitasi. Ausia
➤ Faaauau le iloiloga o faamatalaga tau galuega faatino o le aufaigalega ma faia ni suiga talafeagai ia Iulai i tausaga taitasi. Ausia
➤ Faaauau le iloiloga o Faiga Faavae ma Taiala mo Tagatafaigaluega ia Aukuso i tausaga taitasi. Ausia

ALAFUA O LO O I LE FUAFUAGA AUTASI 2021 - 2024

O loo faataatitia atu i lalo ni alafua o loo i totonu o le Fuafuaga Autasi mo le tausaga faale-tupe 2020/2021:

PULEGA LELEI:

Alafua
➤ 12.5% le faasiliga i tupe mamā i le tausaga faaletupe 2021.
➤ 100% le mulimulitaia o taiala mo tufatufaga totogi atu i le Malo ia Novema i tausaga taitasi.
➤ Faatinoina le iloiloga o sini autu/tapulaa faataatitia i le faaiuga o le tausaga faaletupe.
➤ Ripoti taunuuga/faamaumauga i kuata ma tausaga taitasi.
➤ 100% le mulimulitaia ma le ausiaina o aso faatulagaina/faatapulaaina mo ripoti.
➤ 100% le mulimulitaia o faiga faavae ma faatonuga a le Malo.

VAEGA O ESETETE MA TEUGATUPE TAU MAVAEGA:

Alafua
➤ 5% le faasiliga i tupe maua mai i le faafocina o mataupu tau esetete i le aso 30 Iuni 2021.
➤ Faamaca le iloiloga o le faatulagaga faaletulafono o le puleaina o esetete i le aso 30 Iuni 2021.
➤ Faamaca le iloiloga ma le tulaga tuulata mai o faamatalaga o esetete ma le ausiaina o sini faatulagaina i amataga o masina taitasi.
➤ Faamaca le faafocina o mataupu tau esetete pe tusa ma le 64 esetete i le aso 30 Iuni 2021.
➤ Faamaca le iloiloga o faiga faavae ma taiala mo le tausiga ma le faamaapeina o esetete i le aso 30 Iuni 2021.
➤ 1% le faasiliga i uili/mavaega fou ma teuteuina i le aso 30 Iuni 2021.
➤ Faamaca le faafocina o mataupu tau esetete tuai i le pe a ma le 5% i le aso 30 Iuni 2021.

VAEGA O MATAUPU TAU TUPE MA TUPE TEU FAAFAIGALEGA:

Alafua
➤ Faatinoina o galuega i aso taitasi ina ia maea ona tapenaina lipoti faatulagaina mo masina, kuata ma tausaga taitasi.
➤ Faamaca le iloiloga o galuega faatulagaina o lo o iai i le taimi nei i mataupu tau tupe i le aso 30 Aperila 2021.
➤ Faatumauiina le lelei o tupe fetafeai.
➤ Faamaca le iloiloga o faiga faavae ma taiala mo puipuiga faalotoifale lelei ia Tesema 2020.
➤ Leai ni mataupu e fesootai atu i le lē mulimulitaia o tulafono ma taiala ua maea ona faataatitia e laga i lipoti a suetusi mai fafo (external auditors) i le aso 31 Oketopa 2021.
➤ Faamaca ona resitalaina o faamatalaga lata mai o meatotino tumau i aso 30 Iuni 2021.
➤ Mulimulitaia o taiala faataatitia IFRS faapea ona leai o ni mataupu e laga e suetusi i le faaiuga o le tausaga.
➤ Tapenaina ma tuuina atu lipoti faalekuata i le aso 30 o le masina e sosoo ai pe a maea le kuata i le Matagaluega o Faalapotopotoga a le Malo (MPE).
➤ Tapenaina ma tuuina atu lipoti faaletausaga i suetusi mai fafo i le aso 31 Iulai 2021.
➤ Tuuina atu Lipoti Faaletausaga i le Palemene i le aso 31 Oketopa 2021.
➤ Tapenaina ma tuuina atu pepa faatumu o le lafoga faaopoopo i tau o oloa mo galuega faatino i le aso 21 o le masina e sosoo ai pe a maea masina e lua e pei ona faatulagaina e lipoti ai i le Matagaluega o Tiute ma Tupe Maua (MCR).
➤ Faa'auau ona iloilo ina ma fetuunai (pe a talafeagai) nogatupe i le aso 30 Iuni 2021.
➤ Faamaca ona iloilo ina faiga faavae ma taiala mo le aoina o nogatupe i le aso 31 Iulai 2021.
➤ Tuuitiitia ia tupe tuai ona totogina mai (arrears) pe tusa ma le 4% o nogatupe i le aso 30 Iuni 2021.
➤ 5% le faasiliga i tupe teufaafaigaluega i le aso 30 Iuni 2021.
➤ Faamaca le iloiloga/faatusatusaga o auala esecese e faafaigaluega ai tupe ia Tesema 2020 ma Iuni 2021.
➤ Aoina totogiga o nogatupe e \$25,000 i le aso 30 Iuni 2021.
➤ Faatautaia le iloiloga o le faatinoga o galuega a tagata faigaluega i tausaga taitasi.

- Faaauau le iloiloga o faamatalaga tau galuega faatino o le aufaigaluega ma faia ni suiga talafeagai ia Iulai 2020.
- Faaauau le iloiloga o Faiga Faavae ma Taiala mo Tagatafaigaluega ia Aukuso 2021.

LISI O LE AUFaIGALUEGA I LE ASO 30 IUNI 2020

E toavalu (8) le aofaiga o tagata faigaluega a le Ofisa sa faamauina i le faaiuga o le tausaga faaletupe. E toalua (2) le aufaigaluega faakonekarate, ae toaono (6) tagata faafaigaluega tumau.

	IGOA	GALUEGA	AOFaIGA O TAUSAGA O FAIGALUEGA	FAAVASEGAINA O GALUEGA
1	Leaupepe Peleseuma Mata'utia F.S. Ropati	Tausi Mavaega	27.5	Konekarate
2	Mao Paniani Va'a	Tausi Mavaega Lagolago-Mataupu Tau Esetete ma Mavaega	20.2	Konekarate
3	Malielegaoi Pogi Muliau	Faauluuluga (Manager) Mataupu Tau Tupe ma Tupe Teu Faafaigaluega	1.1	Tumau
4	Patisepa Failauga	Ofisa Tau Pulega	12.1	Tumau
5	Easter Pele Fuimaono	Ofisa Mataupu Tau Esetete ma Mavaega	2.5	Tumau
6	Gardenia Matatia	Ofisa e Vaaia Tusi	.1	Tumau
7	Gloria Poloa	Ofisa Matupu Tau Esetete ma Mavaega	.1	Tumau
8	Iosefa Maugatai	Ave Taavale	13	Tumau

Ofisa ma lana Aufaigaluega

O Eteline Otto Isaia, lea sa avea ma Ofisa e Vaaia Tusi ia Fepuari 2017, na faamalolo mai le Ofisa ia Fepuari 2020.

Na tofia Gardenia Matatia ma Gloria Toloa ia Me 2020 e avea ma Ofisa e Vaaia Tusi ma Ofisa Mataupu Tau Esetete ma Mavaega.

E pei ona iai i tausaga ua tuanai, o le sini autu mo lenei tausaga, o le faaauau lea o le faaleleia o tulaga faataatitia o galuega tau esetete, o le vave ma le lelei o le faamaapeina o esetete ua tele tausaga talu ona faatoai mai i le Ofisa ae lei mae'a ona faamaapeina, faapea le aoina o tupe mai le lisi o nogatupe o loo faaititia le aofai (na taofia le faatinoina o le polokalame faanogatupe a le ofisa i le tausaga 1997). E le gata i lea, e tatau foi ona faataatia ma le mautinoa taiala ma alafua, mo le malu puipua o tupe o lo o teuina i Teuga Tupe Tau Mavaega.

Ua tele galuega ua faatinoina i le tele o esetete tuai ma o nisi ua faasolo ina faamaeaina.

O le faamalieina o paaga a le Ofisa e faatoai mai a latou mataupu ma le vave ona faamaapeina o esetete o loo tausia ma vaavaia e le Ofisa, o loo tumau pea ona avea ma fuafaataata taua mo le aufaigaluega i le faatinoina o o latou tiute.

Faaiuga

E momoli lau faafetai tele i ai i latou taitoatasi ma faalapotopotoga uma, e le gata i Faalapotopotoga Tumaoti, atoa ai ma Matagaluega a le Malo, ae faapea foi e na faifai mea faatasi ma i matou, ma fesoasoani malosi mai ina ia mafai ona faatino la matou tautua e pei ona aiaia faaetulafono mo tagata lautele o le atunuu.

Ou te fia momoli foi le faafetai tele i le Pulega, atoa ai ma le mamalu o le aufaigaluega, mo o latou sao taitoatasi, ua mafai ai e le Ofisa ona ausia ni matati'a lelei, ma atagia manino ai le galulue so'oso'otauau ma le felagolagomai.

Ma le fa'aaloalo tele



.....
Leaupepe Peleseuma Mata'utia F.S. Ropati
Tausi Mavaega a le Malo

Ofisa Tausi Mavaega
Lipoti a Komiti Faatonu
Mo le tausaga na faaiuina 30 Iuni 2020

O lo o tuuina atu e Sui o le Komiti Faatino o Tupe Teufaafaigaluega le latou lipoti faatasi ma Tala Faatatau o Tupe a le Ofisa Tausi Mavaega mo le faaiuga o le tausaga faaletupe 30 Iuni 2020 e pei ona faailoa atu i itulau o loo faapipii atu faatasi ai ma le lipoti a le Su'etusi e tusa ai ma le Tulafono o le Pulega o Tupe a le Malo 2001 ma le Tulafono o Faalapotopotoga Tumaoti (Faatino o Galuega ma le Mafai ona Tali Atu) 2001:

Komiti Faatino o Tupe Teufaafaigaluega

O sui nei o le Komiti Faatino a le Ofisa Tausi Mavaega i le aso na faamauina ai le lipoti:

Tagaloa Fa'afouina Su'a	(Taitaifono)
Asi Tuiataga James Faafili Blakelock	(Faatonu)
Elizabeth Chan-Tung Peters	(Faatonu)
Toleaoa Vaega Lei Sam	(Faatonu)
Afioga Tuu'u Leota Anasii Leota	(Faatonu)

Galuega Autu

O galuega autu a le Ofisa Tausi Mavaega o le tuuina atu lea o le avanoa i tagata-nuu Samoa ina ia mafai ona latou mauaina ni fautuaga faapitoa ma auaunaga e patino i galuega faa-Tausi Mavaega e aofia ai le tapenaina o mavaega/uili, tausaiaina ma le faamaapeina o esetete ma le puleaina o tupe tau mavaega; puipuia aia tau tupe a tagata taitoatasi e lē atoatoa le malosi faaletulafono, o le tino ma le mafau fau pe a fai ua maea filifilia le Tausi Mavaega e avea ma o latou sui poo le leai foi o se tagata e iai le faatagaga mo le faamatuuina iai o ni tupe totogi atu poo ni meatotino i sea tagata; faamaapeina o esetete ma mavaega tausai, e le o afaina ai a latou tau; ma fai ma sui o le Malo i le puleaina o tau o fanua/tinoitupe e lei tapaina/tinoitupe tau mavaega e lē mautinoa ni sulī e agavaa iai. E le o iai se suiga i galuega autu a le Ofisa Tausi Mavaega i lenei tausaga.

Tulaga o Faatatau

O manatu o Faatonu:

- (i) I lipoti faamauina o loo faapipii atu o le Faamatalaga o le Faaagaina o Tupe, Faamatalaga o Suiga i Tupe Faaagaga ma le Faamatalaga o Tupe Fetafeai, ua faamauina ai se vaaiga moni ma talafeagai i le taunuuga o galuega faaletupe a le Ofisa Tausi Mavaega mo le tausaga na faaiuina 30 Iuni 2020;
- (ii) I lipoti faamauina o loo faapipii atu o le Faamatalaga o Tulaga o Tupe, ua faamauina ai se vaaiga moni ma talafeagai i tulaga o faatatau a le Ofisa Tausi Mavaega mo le tausaga na faaiuina 30 Iuni 2020.


Faaiuga o Galuega Faatino

Ua faamauina le tupe mamā i le tausaga e \$436,874 (2019: tupe mamā e \$517,842).

Faia i Apia i le aso 16 Oketopa, 2020.

Sainia e tusa ai ma le iugafono a Faatonu


FAATONU


FAATONU



AUDIT OFFICE

Please address all correspondences
to the Controller and Auditor General

LIPOTI A LE OFISA SUETUSI

MO FAATONU O PULEGA – OFISA TAUSI MAVAEGA

Manatu Fa'asuetusi

Ua mae'a ona matou su'eina Faamatalaga Tau Tupe o lo'o faapipi'i faatasi atu a le Ofisa Tausi Mavaega, e aofia ai le Faamatalaga Tau Tupe e pei ona iai i le aso 30 Iuni 2020, ma Faamatalaga o Tupe maua ma tupe faaalu, faamatalaga o fesuaiga o tupe faavae, ma faamatalaga o tupe fetafea'i, mo le tausaga e pei ona faai'uina ai, fa'atasi ai ma le ootootoga o tu'utu'uga iloga faatausi tusi ma faamatalaga faaopoopo. O Suetusi Aloaia Fa'alauaitale, Lesā ma Penn, na fesoasoani i lenei suega o tusi. Sa ta'ita'ia lenei galuega ua fa'ai'uina i lenei manatu po'o le lipoti fa'asuetusi tutoatasi e Matata'uali'itia Afa Lesa.

I lo matou manatu, ua tuuina mai Faamatalaga Tau Tupe se vaaiga e tonu ma talafeagai le tulaga tau tupe a le Ofisa Tausi Mavaega, e pei ona iai i le aso 30 Iuni 2020, ma ana faatinoga faaletupe, suiga i tupe fa'avae ma ana tupe fetafea'i mo le tausaga na faai'uina ai e tusa ai ma Aiaiga Fa'ava-o-Malo i le Faalauiloina o Lipoti Fa'ale-tupe.

Fa'avae o le Manatu Fa'asuetusi

Sa fa'atino la matou su'ega e tusa ai ma Aiaiga Faa-Su'etusi Fa'ava-o-Malo. O la matou matafaioi i lalo o nei aiaiga o lo'o fa'amanino atili atu i le vaega o Matafaioi Fa'a-Suetusi mo le su'ega o Fa'amatalaga Tau Tupe i lenei lipoti. E tutoatasi le Su'etusi mai le Ofisa o Tausi Mavaega e tusa ai ma Aiaiga Fa'ava-o-Malo Fa'a-tausi Tusi e manaomia lo matou tautu i manaoga amiotonu talafetai e fa'atatau i le auunaga Fa'a-Su'etusi i totonu o Samoa. Ua matou faamalieina uma tulaga mo'omia o Aiaiga Faava-o-Malo e pei ona taua i luga. Ua matou talitonu e fa'apea o mau Fa'a-Suetusi na matou maua ua lava ma fetau i tuuina mai ai se fa'avae mo lo matou manatu Fa'a-Suetusi.

O le Matafaioi a le Fono a Faatonu ma le Pulega Mo Faamatalaga Tau Tupe

O le Fono a Faatonu ma le Pulega, e ia te i latou le matafaioi mo le saunia ma le tu'uina aloaia mai o nei Fa'amatalaga Tau Tupe ina ia tusa ai ma Aiaiga Fa'ava-o-Malo i le Fa'alauiloina o Fa'amatalaga Tau Tupe. O lenei matafaioi e aofia ai le fuafuaina, le faatinoina, ma le faaauauina o pulega faalotoifale talafeagai, le filifilia ma le faaogaina o faiga fa'avae Fa'atausi Tusi ua talafetai ma le saunia ma le tuuina aloaia mai o Fa'amatalaga Tau Tupe e fa'apea ua saoloto mai sēsē matuia, e fa'aono mafua mai le sasi po'o amio pi'opi'o.

I le saunia o Fa'amatalaga Tau Tupe e tatau i le Fono Fa'atonu ma le Pulega ona fa'amautinoa le mafai ai e le Ofisa Tausi Mavaega, o le fa'aaauaina o ana galuega ma fa'agaoioiga fa'ale-tupe ma fa'ailoa i le tulaga e tatau ai mataupu e a'afia ai le lumana'i fa'aaauu ma fa'aaoga ai le talitonuga maumautu i lenei lumana'i fa'aaauu sei vagana ai ua ta'atia se fa'amoemoe o le Fono Fa'atonu ma le Pulega, e tapunia le Ofisa o Tausi Mavaega ma taofia uma ana galuega po'o le leai foi o se isi fa'amoemoe mautinoa e toe fa'aaauu ai.

O le Fono a Faatonu, e nafa ma le mata'itūina o le sologa lelei o Fa'amatalaga Tau Tupe a le Ofisa Tausi Mavaega.

Matafaioi a le Suetusi

O le sini autū o le su'ega o tusi, o le fa'aalia lea o se manatu i luga o Fa'amatalaga Tau Tupe e ala i lipoti e aofia ai ma le manatu Faa-Su'etusi e fa'avae i luga o mau talafeagai e tusa ai ma aofaiga ma folasaga i totonu o nei Fa'amatalaga, e aofia ai foi ma le auililiina o fa'afitauli mai fa'amatalaga sese matuiā, pe afua mai i amio pi'opi'o po'o le sasi. O a matou mau e maua ai se fa'amaoniga talafeagai peita'i e lē mafai ona maua se ma'utinoa atoatoa pe maua uma ni sese po'o ni sasi o iai i Fa'amatalaga Tau Tupe tusa lava pe fa'atinoina se suega e tusa ai ma Aiaiga Faa-Suetusi Fa'ava-o-Malo. E mafai ona iai ni fa'amatalaga sese e afua mai i amio pi'opi'o po'o le sasi ma e mafai ona matuiā lona a'afiaga i le aotelega atoa, ma e ono a'afia ai fuafuaga i mataupu tau tupe a i latou o le a fa'aaogaina Fa'amatalaga Tau Tupe ma fa'avae mo nei fuafuaga.

Please address all correspondences
to the Controller and Auditor General



AUDIT OFFICE

E tusa ai ma Aiaiga Faa-Su'etusi Fa'ava-o-Malo, e faatino la matou su'ega i le tulaga maualuga ma le tomai fa'apitoa. E faapea foi ona matou:

- Fa'ailoa ma auiliili ni lamatiaga o fa'afitauli mai fa'amatalaga sese matuiā o Fa'amatalaga Tau Tupe, pe afua mai i ni amio pi'opi'o po'o le sasi, fausia ma faatino gaoioiga e tali atu i nei lamatiaga, ma faamauiina mau faasu'etusi e atoatoa ma talafeagai mo fa'avae o le manatu Fa'a-Su'etusi. O le lamatiaga o le lē maua o fa'afitauli mai fa'amatalaga sese matuiā e afua mai i amio pi'opi'o e ogaoga atu nai lo'o tulaga sasi, ona o amio pi'opi'o e aofia ai fefinauaiga, pepelo, ave ese ma le iloa, fa'amatalaga sese, po'o le soloia o puipuiga fa'alotoifale.
- Silafia puipuiga fa'alotoifale e talafeagai i le su'ega mo le fausia o gaoioiga talafeagai i ia tulaga ae lē mo le faamoemoe e fa'aalia se manatu i le lelei o puipuiga fa'alotoifale.
- Iloilo le tulaga talafeagai o faiga fa'avae Fa'atausi Tusi sa fa'aaogaina ma le talafetaui o fua fa'atatau Fa'atausi Tusi ma fa'amatalaga feso'otai a le fono a Fa'atonu ma le Pulega.
- Fa'amautu le talafeagai o le fa'aaogaina e le fono a Fa'atonu ma le Pulega o le fa'avae Fa'a-tausi Tusi o le gafatia o le fa'aaauu o le auunaga a le Ofisa o Tausi Mavaega ma fa'avae i mau Fa'a-Suetusi sa tuuina mai, po'o iai se lē mautonu i tulaga ma aiaiga e fa'atatau i le mafai ona fa'aaauu le auunaga a le Ofisa Tausi Mavaega i le lumanai. Afai ae fa'amautu o lo'o iai se tulaga lē mautinoa, e mo'omia le fa'ailoa i le matou lipoti Faa-Su'etusi o fa'amatalaga feso'otai i Fa'amatalaga Tau Tupe pe o le lē atoatoa o ia fa'amatalaga e ono suia ai le manatu Fa'a-Su'etusi. O le matou manatu e fa'avae mai i mau sa matou maua mai i le matou suega e fa'apau mai i le aso o le matou lipoti. Ae peitai, e ono iai ni mataupu i le lumanai e aafia ai le gafatia o le fa'aaauu o le auunaga a le Ofisa o Tausi Mavaega ma ono fa'amuta ai ana galuega faatino.
- Iloilo le fa'ataatiaga, folasaga ma le anotusi o Fa'amatalaga Tau Tupe e aofia ai fa'amatalaga fa'aopoopo po'o fa'ailoa ai fefa'atauaiga ma gaoioiga i se tulaga talafeagai.

E matou te feso'otai ma le fono a Fa'atonu ma le Pulega e fa'atatau i le fa'atinoina o le matou su'ega ma sailiiliga taua e aofia ai fa'aletonu matuia i puipuiga fa'alotoifale e alia'e mai i le matou su'ega.

Manatu i luga o isi Aiaiga Faa-le-tulafono

Ina ia tusa ai ma aiaiga o le Tulafono o Tausi Mavaega 1975

I le matou manatu Faasu'etusi

Sa tausia lelei tusi ma fa'amaumauga o tupe a le Ofisa Tausi Mavaega e tusa ai ma la matou sailiiliga o ia tusi ma fa'amaumauga. O fa'amatalaga tau tupe sa saunia ma tusia lelei ina ia tu'uina mai ai fa'amatalaga e tusa ai ma Aiaiga ma fa'amatalaga mo'omia e le Tulafono o Tausi Mavaega 1975

Sa fa'amae'a la matou galuega i le aso 21 Oketopa 2020 ma o lo matou manatu fa'asu'etusi o lo'o fa'avae mai i lea aso.

Apia, Samoa
26 Oketopa 2020

Jaslyn T. Mariner Leota
SUI PULE MA SUETUSI SILI

OFISA TAUSI MAVAEGA
FAAMATALAGA O TUPE
MO LE TAUSAGA NA FAAIUINA
30 IUNI 2020

**OFISA TAUSI MAVAEGA
FAAMATALAGA TAU TUPE
MO LE TAUSAGA NA FAAIUINA 30 IUNI 2020**

FAASOLOGA

ITULAU

Faamatalaga o le Faaaogaina o Tupe	5
Faamatalaga o Tulaga o Tupe	6
Faamatalaga o Suiga i Tupe Faavae ma Tupe Faaagaga	7
Faamatalaga o Tupe Fetafeai	8
Faamatalaga i Faamatalaga Tau Tupe	9-18

Ofisa Tausi Mavaega
Faamatalaga o le Faaagaina o Tupe
Mo le tausaga na faaiuina 30 Iuni 2020

		2020	2019
TUPE MAUA	Faamatalaga	\$	\$
Tupe maua mai le faama'apeina o esetete		281,417	440,693
Komisi na maua		310,486	193,726
Tului maua mai nonogatupe		-	1,082
Tupe maua mai tufatufaga		209,091	250,726
Nonogatupe masalomia le le totogiina mai ua aoina mai		27,771	-
Isi tupe maua		1,118	1,162
Tupe fa'amatu'u mai e le Malo		490,333	398,410
Aofaiga o Tupe Maua		1,320,216	1,285,799
TUPE FAAALU			
Tupe faaalu i galuega faatino	3	476,105	482,412
Tau o vaega o tupe		619	984
Totogi o Sui Faatonu ma isi tupe faaalu	4	102,382	105,784
Faaititia o aoga o meatotino	11	30,713	30,686
Totogi ma togiaso		400,957	371,731
Aofaiga o Tupe Faaalu		1,010,776	991,597
ISI TUPE FAASILII/(TUPE PA'Ū)			
Tului maua mai teugatupe faavaitaimi			
Tupe faasili/(tupe pa'ū) mai tupe teu faafaigaluega i le UTOS		127,434	223,640
Aofaiga o isi Tupe Faasili/(Tupe Pa'ū)		127,434	223,640
Tupe Mama/(Pa'ū)		436,874	517,842

O faamatalaga o loo faapipii atu e avea o se vaega taua o le Faamatalaga o le Faaagaina o Tupe.


Ofisa Tausi Mavaega
Faamatalaga o Tulaga o Tupe
E pei ona iai i le aso 30 Iuni 2020

	Faamatalaga	2020 \$	2019 \$
Meatotino Faaauau			
Nonogatupe o loo totogi mai	10	285,594	282,985
Meatotino tumau	11	69,442	78,283
Esetete nofo aitalafu i le Ofisa		1,114,943	1,215,363
Aofaiga o Meatotino Faaauau		1,469,979	1,576,631
Meatotino i le Taimi nei			
Tinotupe ma faatusatusaga o aofaiga o tinotupe	5	1,721,390	155,346
Tupe teu faafaigaluega	6	7,580,484	7,019,259
Isi aitalafu ma tupe muai totogi atu	7	189,535	434,105
Aofaiga o Meatotino i le Taimi nei		9,491,409	7,608,710
AOFAIGA O MEATOTINO		10,961,388	9,185,341
TUPE FAAVAE MA AITALAFU			
Aitalafu Tauave			
Tinotupe - Esetete, Teugatupe tau Mavaega ma Tau i o Fanua	8	4,784,365	3,336,379
Tinotupe e lei tapaina	13	447,726	447,100
Aofaiga o Aitalafu Tauave		5,232,091	3,783,479
Aitalafu i le Taimi Nei			
Tufatufaga totogi atu i le Malo		152,906	181,244
Isi o loo nofo aitalafu ai ma aitalafu faaputupu	9	397,133	321,714
		550,039	502,958
Tupe Faavae ma Tupe Faaagaga			
Tupe faavae tuuina mai e le Malo	12	18,780,650	18,780,650
Tupe faaleoleo ma tupe faaagaga pa'u		(8,628,331)	(8,628,331)
Tupe pa'u faaputupu		(4,979,447)	(5,263,415)
Tupe faaagaga mo totogi faaloia		6,388	10,000
Aofaiga o Tupe Fa'avae ma Tupe Fa'aagaga		5,179,259	4,898,904
AOFAIGA O TUPE FA'AVAE MA AITALAFU		10,961,388	9,185,341

E fai ma sui o le Komiti Faatino:




Tausi Mavaega



Aso



Taitaifono



Aso

O faamatalaga o loo faapipii atu e avea o se vaega taua o le Faamatalaga o Tulaga o Tupe.

Ofisa Tausi Mavaega
Faamatalaga o Suiga i Tupe Faavae ma Tupe Faaagaga
Mo le tausaga na faaiuina 30 Iuni 2020

	Tupe Faavae tuuina mai e le Malo \$	Tupe faaagaga mo totogi faaloia \$	Tupe Faaleoleo ma Tupe Fa'aagaga \$	Faaputuga tupe Mamā/(Pa'ū) \$	Aofai \$
Paleni e pei ona iai i le aso 30 Iuni 2018	18,780,650	10,000	(8,628,331)	(5,336,172)	4,826,147
Tupe mamā/(pa'ū) mo le tausaga				517,842	517,842
Tufatufaga totogi atu i le Malo T/F 2017-2018				(263,841)	(263,841)
Tufatufaga totogi atu				(181,244)	(181,244)
Paleni e pei ona iai i le aso 30 Iuni 2019	18,780,650	10,000	(8,628,331)	(5,263,415)	4,898,904
Tupe totogi atu mo pili a Loia		(3,612)			(3,612)
Tupe mamā/(pa'ū) mo le tausaga				436,874	436,874
Tufatufaga totogi atu				(152,906)	(152,906)
Paleni e pei ona iai i le aso 30 Iuni 2020	18,780,650	6,388	(8,628,331)	(4,979,447)	5,179,259

O faamatalaga o loo faapipii atu e avea o se vaega taua o le Faamatalaga o Suiga i Tupe Faavae ma Tupe Faaagaga.

Ofisa Tausi Mavaega
Faamatalaga o Tupe Fetafeai
Mo le tausaga na faaiuina 30 Iuni 2020

		2020	2019
TUPE FETAFAEI MAI GALUEGA FAI	Faamatalaga	\$	\$
Tinoitupe maua mai i le faamaapeina o esetete ma komisi		591,903	634,270
Tinoitupe maua mai i isi tupe maua		1,118	2,393
Tinoitupe maua mai esetete		2,989,578	1,718,850
Tinoitupe totogi atu i faioala ma tagata faigaluega		(1,016,399)	(908,321)
Tinoitupe totogi atu i esetete		(1,517,431)	(1,966,950)
Tupe maua mai galuega fai		1,048,769	(519,758)
TUPE FETAFAEI MAI GAOIOIGA O TUPE TEU FAFAIGALUEGA			
Tupe maua mai totogi i luga o nogatupe		26,585	30,127
Tufatufaga totogi mai i le UTOS		353,722	250,726
Tupe teu faafaigaluega i le UTOS	6	403,051	384,005
Tupe talaina mai tua i le UTOS	6	-	(266,559)
Tau o le faatauina mai o meatotino tumau	11	(13,947)	(9,652)
Tupe faasili mai meatotino tumau ua lafoaia		-	-
Tupe maua mai tupe teu faafaigaluega		769,411	388,648
TUPE FETAFAEI MAI GALUEGA TAU TUPE			
Tupe faamatuu mai le Matagaluega o Tupe		490,333	398,410
Tufatufaga totogi atu i le Malo		(181,244)	-
Tupe maua mai galuega tau tupe		309,089	398,410
Tupe totoe faasili/(pa'ū) mai paleni o tupe		2,127,269	267,299
Faaopoopo: Paleni amata		7,174,605	6,907,306
Aofaiga Paleni o Tupe Maua		9,301,874	7,174,605
E faamatala faapenei:			
Tinoitupe ma faatusatusaga o aofaiga o tinoitupe	5	1,721,390	155,346
Tupe teu faafaigaluega	6	7,580,484	7,019,259
Aofaiga o tinoitupe ma faatusatusaga o aofaiga o tinoitupe		9,301,874	7,174,605

O faamatalaga o loo faapipii atu e avea o se vaega taua o le Faamatalaga o Tupe Fetafeai.

1. Faamatalaga Lautele

O le galuega autu a le Ofisa Tausi Mavaega o le faamaapeina lea o esetete a i latou ua maliliu; tausaiaina o teugatupe tau mavaega mo tamaiti; tapenaina, sainia ma teu maluina o mavaega/uili; ma isi auaunaga faatausi mavaega.

O le Ofisa Tausi Mavaega na faavaeina, ma e galue i lalo o le Tulafono Autu o le Ofisa Tausi Mavaega 1975. O le Komiti Faatino o Tupe Teu Faafaigaluega a le Ofisa Tausi Mavaega o loo tauaveina e sui tumaoti e toalima.

O le Ofisa Tausi Mavaega o loo iai nei lona ofisa i le fogafale 5 o le Maota o Tui Atua Tupua Tamasese Efi.

O le Ofisa Tausi Mavaega ua faatulagaina o se Faalapotopotoga Tau i Fefaatauaiga a le Malo i lalo o le Tulafono Faalapotopotoga a le Malo (Faatinoga o Galuega ma le Mafai ona Tali Atu) 2001. I le avea ai ma Faalapotopotoga Tau i Fefaatauaiga a le Malo, e tatau ai i le Ofisa ona aiaia faiga faavae o le Tulafono mo le Puleaina o Tupe a le Malo 2001.

O nei faamatalaga tau tupe ua mafai ona faamaonia le tuuina atu e le Komiti Faatino i le aso 16 Oketopa 2020.

2. Faamatalaga o faiga faavae faatausi tusi faapitoa

O loo faatulaga atu i lalo faiga faavae faatausi tusi autu na faaogaina i le tapenaina o faamatalaga tuufaatasii o tala o tupe. O nei faiga faavae sa faaogaina lava i tausaga e pei ona tuuina atu sei vagana ua iai se isi tulaga ae e faailoa pea.

a. Autu na Faavae ai le Tapenaga

O nei faamatalaga o tala o tupe o loo saunia lava i lalo o aiaiga o le Tulafono o Kamupani 2001 faatasi ai ma Aiaiga o Ripotiina o Tupe Faava-o-Malo (IFRS) e pei ona tuuina mai i le Komiti Faafoe o Aiaiga Faatausi Tusi Faava-o-Malo (IASB). O faamatalaga tau tupe o loo saunia lava i luga o tau muamua o oloa e pei ona teuteuina ina ua toe fua faatatauina tau o nisi o meatotino tau tupe ma aitalafu. Ua faamauiina faavae faatausi tusi autu ina ia fesoasoani i le faamalamalamaina lautele o faamatalaga tau tupe. O nei faamatalaga tau tupe ua tapenaina i le tala Samoa.

O le tapenaina o faamatalaga tau tupe o loo faamaotiina mai ai faiga faavae o le puleaina IFRS ina ia mafai ona fuafuaina ma faatatauina aafiaga o le ripoti i tau o meatotino ma aitalafu ma le faailoaina o tupe faaleoleo mo meatotino ma aitalafu i le aso o faamatalaga tau tupe ma le ripotiina o tau o tupe maua ma tupe faaalu mai le vaitau ua ripotiina. E ui lava o nei fuafuaga o loo faatatau i le lelei silafia a le pulega i mea o loo tutupu ma faatinoga, e ono eseese faaiuga mautinoa mai fuafuaga faataatitia.

Faiga faataatitia, faauigaga ma teuteuga ua tuuina mai ae lei faamamaluina

O faiga faataatitia, faauigaga ma teuteuga nei i faiga faataatitia tauave ua faamauiina ma e faamalositia mo faamatalaga tau tupe mo piriota e amata i le poo le maea ai o le aso 1 Iulai 2011 poo isi piriota e pei ona taua, ae na lei faaogaina muamua e le ofisa. E leai se aafiaga maoae i faamatalaga tau tupe a le Ofisa Tausi Mavaega i le faaogaina o nei faiga faataatitia ma faauigaga.

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiuina 30 Iuni 2020

IFRS 1 Teuteuga	Faaaogaina mo se taimi muamua: Faasaolotoina mai o le faatupulaia o tau ma le aveesea o aso faatulagaina	1 Iulai 2011
IFRS 7 Teuteuga	Meafaigaluega faatausitusi: Faailoaina o le aveesea o meatotino tau tupe	1 Iulai 2011
IAS 12 Teuteuga	Lafoga: Lafoga Tauave	1 Ianuari 2012
IAS 1 Teuteuga	O le faaaliga o faamatalaga tau tupe e faatatau i isi tupe maua mai tala o tupe mo meatotino faafaigaluegaina	1 Iulai 2012
IFRS 9 Teuteuga	Meafaigaluega faatausitusi: mo faatulagaina ma le fuafuaina	1 Ianuari 2013
IAS 19 Teuteuga	Faamanuiaga mo le Afaigaluega	1 Ianuari 2013
IFRS 10	Tuufaatasia o meafaigaluega faatausitusi	1 Ianuari 2013
IFRS 11	Fuafuaga tuufaatasi	1 Ianuari 2013
IFRS 12	Faailoaina o le sootaga ma isi	1 Ianuari 2013
IFRS 13	Fuafua tatauinia o Aofaiga	1 Ianuari 2013
IAS 27 (Toe iloiloaina)	Vaevaeina o faamatalaga tau tupe	1 Ianuari 2013
IAS 28 (Toe iloiloaina)	O Asosi ma faigapaaga faapisinisi	1 Ianuari 2013
IFRS 15	Tupe Maua mai Konekarate ma e o loo faia ai auaunaga	1 Ianuari 2018
IFRS 16	Lisi	1 Ianuari 2019

e. Taiala o loo limataitaiina ai le faatinoga o esetete, mavaega tausī, galuega faatino ma le vaega o nogatupe

- **Vaega o esetete, mavaega tausī ma galuega faatino:**

I vaeveaga o esetete, mavaega tausī ma galuega faatino a le Ofisa, o loo faailoa ai galuega autu a le Ofisa e faasino tonu i le tausiga ma le faamaapeina o esetete atoa ai ma le puleaina o mavaega tausī faapea galuega masani a le Ofisa i aso taitasi. Ua alagatau ona tuufaatasia nei galuega autu i lalo o le vaeveaga o ripoti ina ia maoti tupe faaalu i nei galuega autu/faatino a le Ofisa i le taimi nei, e pei ona iai lenei vaega, ma tupe faaalu mo le vaega o mataupu tau nogatupe lea o loo faaauau lona tuuaititia.

- **Vaega o mataupu tau nogatupe:**

O loo faasolo tuuaititia pea le aofai o nogatupe i le Ofisa Tausi Mavaega aua e le o toe faia ni nogatupe. I le taimi nei, o loo faaauau pea le galuega a le Ofisa i le aoina o aitalafu o loo totoe.

i. Tului mai mokesi ma nogatupe e leai ni faamalumaluga

O tului i luga o nogatupe e fuafua i masina taitasi ma o loo faaopoopo atu i luga o faamatalaga o nogatupe taitasi i le faiga faalekuata.

o. Komisi ma isi tupe maua

O komisi ma isi tupe maua mai i tagata o loo faamauina e tusa ai ma aiaiga o Tulafano Faatonutonu a le Ofisa Tausi Mavaega e totogi mai e tagata o loo iai a latou mataupu i le Ofisa.

u. Tupe faaagaga mo nogatupe e masalomia le le totogiina

O nogatupe o loo faamauina e faatatau lava i le tupe e ono maua mai ai pe a totogiina uma mai. Ua iai se tupe faaagaga ua faatuina mai fetuunaiga i le vaega o nogatupe.

f. Faatupega Faapitoa (Iagolago a le Malo)

E tusa ai ma le vaega 20 o le Tulafono a le Ofisa Tausi Mavaega 1975, e aiaia ai e faapea o soo se taimi e tulai mai ai le le a'u o le faaso'a a le Ofisa e faafetaiai aitalafu ma noatiaga o le Tausi Mavaega, o ni aofaiga e pei ona o le a tatau ai ona faafetaiai ai aitalafu ma noatiaga o le a tatau ona tusia i luga o le faaputuga-tupe a le Ofisa o Tupe a le Malo ma ia avea ma tupe faaaluina faaletulafono ma ia tatalaina atu faaaitalafu e le Minisita o Tupe mai le faaputuga-tupe a le Ofisa o Tupe a le Malo i le Tausi Mavaega. O tupe ua tatalaina atu faaaitalafu faapena o le a tatau ona toe totogiina atu e le Tausi Mavaega i le faaputuga-tupe a le Ofisa o Tupe a le Malo i le taimi e iai loa ni paleni i le faamatalaga tau tupe a le Tausi Mavaega e mafai ona maua mo le toe totogiina atu.

g. Faaputugatupe Faaleoleo ma Faaagaga

O le faaaliga o tupe faaagaga mo nogatupe e ono faaletonu le totogiina o se vaega o Tupe Faaleoleo ma Tupe Faaagaga o se aiaiga i le Vaega 17 o le Tulafono a le Ofisa Tausi Mavaega 1975. Peitai, o tupe faaagaga mo nogatupe e ono faaletonu le totogiina ua faaaliga nei po ua toese mai le aofaiga atoa o nogatupe e pei ona iai i le faamatalaga 10 ma ua le toe faaaliga i totonu o le pepa o paleni o se vaega o Tupe Faaleoleo ma Tupe Faaagaga.

l. Meatotino o Esetete

O meatotino o esetete e ese mai ai nai lo tinoitupe o loo umia e le Tausi Mavaega e fai ma sui o Esetete, e le tuuina atu o latou faamatalaga tau tupe i Faamatalaga tau tupe a le Ofisa. O le tului i tupe maua mai i tupe a Esetete o loo iai paleni e tuu iai le tului e 1% i le tausaga.

m. Tinoitupe – Esetete, Teugatupe tau Mavaega ma Tau o Fanua

O tinoitupe o Esetete, Teugatupe tau Mavaega ma Tau o Fanua ua nao paleni o tinoitupe o esetete taitasi, teugatupe tau mavaega ma tau o fanua o loo i totonu o le Teugatupe Autu.

n. Tupe faamatuu atu i Esetete ma Suli

E tusa ai o vaega 32 ma le 33 o le Tulafono a le Ofisa Tausi Mavaega 1975, e mafai ona faamatuu atu tupe i esetete o loo faamaapeina e le Tausi Mavaega atoa ai ma suli o esetete.

p. Lafoga

O le Ofisa Tausi Mavaega e tuusaunomia mai le totogi o lafoga i lalo o le Vaega 7(a) o le Tulafono o Lafoga o Tupe Maua 1974.

s. Tinoitupe ma faatusatusaga o aofaiga o tinoitupe

O tinoitupe ma faatusatusaga o aofaiga o tinoitupe o loo faailoa ua na o tinoitupe o iai.

t. Tupe totogi mai

O tupe e totogi mai o loo faamauina i tau fefaatau. E tusa ai ma le natura o nei aseta o aofaiga o tupe e toe maua mai e pei ona faatagaina o tupe faaagaga mo nogatupe ua le mautinoa le toe totogiina mai o le tau fefaatau foi lea.

v. Meatotino Tumau

O loo fuaina meatotino tumau i o latou tau toese ai le faatupulaia o faaititia o aoga ma tau paū.

O le faaititia o aoga o tau o meatotino tumau, e fuafua mai i o latou tau na faatauina mai ai ma le umi fuafuaina e faaagaina ai, ua faamauina i tala o tupe maua ma tupe faaoga. O pasene e faaititia ai meatotino, o loo taua i lalo:

• Komepiuta	25%
• Taavale Afi	25%
• Meafale i le Ofisa, Meafaigaluega ma Faletusi	20%
• Faaleleia o lisi	2.5%

O tau o meatotino e totoe pe a maea ona faaititia, e toe auiliili ma toe iloilo i tausaga taitasi. O tau o meatotino e totoe pe a maea ona faaititia ma le umi e faaoga ai e toe iloilo, ma e suia pe a talafeagai, i le aso faaiu o le tausaga faaletupe.

O tau o meatotino ina ua maea ona faaititia e toe faaititia vave i a latou tau talafeagai fefaatauai pe afai e tele atu le tau ina ua maea ona faaititia nai lo le tau taumate talafeagai fefaatauai.

O tupe faasili ma tupe paū mai le aveeseina o aseta e maua mai le faatusatusaga o tupe e maua mai ai, ma o latou tau ua maea ona faaititia, ma faamauina i totonu o isi (tupe gau/tupe faasili) i le faamatalaga o tupe maua ma tupe faaoga.

h. Tupe totogi atu

O tupe totogi atu ua faamaonia ina ua talia e le Ofisa le totogiina atu o ni tupe i le lumanai ona o le faatauina mai o oloa ma auaunaga. O tupe totogi atu ua faamaonia i le tau fefaatauai o le tupe e totogi atu i le lumanai mo oloa ma auaunaga ua maua mai. E tusa ai ma le natura o le tele o tupe e totogi atu, o tau ina ua maea ona faaititia e talafeagai lava ma tau fefaatauai.

k. Faaagaga mo aitalafu totogi atu

O faaagaga mo aitalafu totogi atu ua faamauina i faamatalaga o tupe faavae, aseta ma noataga ina ua iai se noataga e mafua mai i se mea na tupu ma e matua foliga mai e moomia tele le totogiina atu o nei aitalafu, ma ia mafai ona fua faatatauina le aofaiga. O faaagaga e le faamaonia mo tupe paū i le lumanai.

r. Faamanuiaga mo tagata faigaluega

O loo fai saofaga le Ofisa i le Faalapotopotoga Faaputugatupe mo le Lumanai Manuia o Tagata Samoa (SNPF) e tusa ai ma le polokalame fai saofaga ma tulafono a le Malo, ma e pau mai i le aofaiga o saofaga e tataua ona totogi atu. O ni noataga mo saofaga e tusa ai o lea polokalame e faamauina i faamatalaga o tupe mamā ma tupe paū i soo se taimi e tulai mai ai.

aa. Faatusatusaga

E iai ni paleni o tausaga ua mavae ua toe suia ina ia mafai ona fai ni faatusatusaga tataua ma paleni o le tausaga nei.

ae. Faatulagaga o le aoga o tupe faafaigaluega i le UTOS

Ua teuteuina nei e le Aiaiga Faatausi Tusi Faava-o-Malo le aiaiga mo le faamauina ma le faalauiloina o faamaumaga faaletupe ma ua faatulaga mai ai fuafaataua o teugatupe i le UTOS,

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiaina 30 Iuni 2020

e mafai ai ona fua le aoga i le faasoasoa faasolosolo o le tau i tausaga i le lumanai, poo le aoga talafeagai mai i lea taimi i lea taimi.

O le faaliliuina faavave ma le mautinoa o tupe mai i le UTOS, e fuaina i le faasoasoa faasolosolo o le tau i le lumanai.

Ae peitai, e fua le aoga o teugatupe i le UTOS i le tau talafeagai ma o ni faasiliga poo ni faaititiga, e faamauina lea i le Faamatalaga o le Faaaogaina o Tupe.

O le tau talafeagai, o le tau lea e faamoemoe e maua mai i le faatauina o se aseta i lona tulaga fuafua lelei i aga o le maketi o fefaatauiga ai le taimi e faatau ai. O le mea lea, o le tau talafeagai o le tau na toe faatau mai ai toese le tau e toe tala mai ai i tua.

3. Tupe faaalu i galuega faatino

O lo o faamanino atu i lalo auiliiliga o tupe faaalu mo galuega faatino a le Ofisa:

	2020	2019
	\$	\$
Lafoga ACC	4,009	3,717
Faasalalauga faalauiloa	23,985	24,017
Totogi o suetusi	45,812	50,384
Meaalofa	3,500	800
Inisiua	3,861	3,965
Tului i luga o esetete	-	159
Totogi o Loia	-	2,300
Tupe totogi i le SNPF	32,076	26,022
Tupe faaalu i le Ofisa	4,269	3,462
Lolomiga o pepa ma pepa	15,100	14,144
Lisi	274,692	260,788
Faaleleia ma le tausiga	14,612	15,045
A'oa'oga o le afaigaluega	3,073	21,309
Telefoni ma faailoga tusi	13,422	15,276
Felauaiga ma femalagaiga	16,356	16,288
Isi tupe faaalu mo le afaigaluega	21,337	15,000
Isi tupe faaalu	-	8,271
Tupe pa'ū mai i meatotino tumau ua lafoai	-	1,463
Aofaiga o tupe faaalu mo galuega faatino	476,105	482,412

4. Totogi o Sui Faatonu ma tupe faaalu a le Komiti Faatino

O lo o faamanino atu i lalo auiliiliga o totogi o Sui Faatonu ma tupe faaalu a le Komiti Faatino:

	2020	2019
	\$	\$
Tupe Faaalu a le Komiti Faatino	9,752	11,285
Totogi o Sui Faatonu	92,630	94,500
Aofaiga o totogi o Sui Faatonu ma tupe faaalu a le Komiti Faatino	102,382	105,784

Ia Setema 2015 e tusa ai ma le Faatonuga a le Kapeneta FK(15)31, o tupe totogi mo Sui Faatonu ua siitia atu i le \$18,000 i le tausaga ae mo le Taitaifono e \$22,500 i le tausaga.

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiuina 30 Iuni 2020

5. Tinoitupe ma faatusatusaga o aofaiga o tinoitupe

O lo o faamanino atu i lalo auiliiliga o tinoitupe ma faatusatusaga o aofaiga o tinoitupe:

	2020	2019
	\$	\$
Tinoitupe mo faatauga laiti	100	100
Faletupe ANZ	368,677	114,300
Faletupe ANZ - Galuega faatino	58	(2)
Faletupe ANZ - Visa Debit Card	100	-
Faletupe BSP	14,928	8,608
Faletupe NBS	647	32,341
Aofaiga o tinoitupe o loo i Faletupe ma taulimaina	384,510	155,346
Faletupe ANZ - Tupe teu faavaitaimi	381,812	-
Faletupe NBS - Tupe teu faavaitaimi	955,069	-
Aofaiga Tupe teu faavaitaimi	1,336,881	-
Aofaiga o tinoitupe ma faatusatusaga o aofaiga o tinoitupe	1,721,390	155,346

6. Tupe teu faafaigaluega

O lo o faamanino atu i lalo auiliiliga o tupe teu faafaigaluega:

	2020	2019
	\$	\$
<u>Fetuunaiga o tupe faafaigaluegaina i iunite i le UTOS</u>		
Paleni amata:	7,019,259	6,518,741
Iunite faaopoopo 231,280.72 i totonu o le tausaga i le tau \$1.65 - fuafaatatau	380,865	383,072
Faateleina (faaitiitiga) i se tau fefaatauai	222,185	384,005
Iunite sa tala i tua e 5,393 i le tau e tala ai i tua \$1.64	(8,845)	(1,223)
Iunite sa tala i tua e 19,988 i le tau e tala ai i tua \$1.65	(32,980)	(263,841)
Iunite sa tala i tua e 934 i le tau e tala ai i tua \$1.60	-	(1,494)
Paleni faai e 4,512,193 iunite i le tau e \$1.68	7,580,484	7,019,259

O tupe teu faafaigaluega i le UTOS e aofia ai teugatupe a le Ofisa faapea teugatupe mai Esetete, Teugatupe tau Mavaega ma Tau o Fanua o lo o auiliili atu i lalo:

	2020	2019
	\$	\$
Esetete, Teugatupe tau Mavaega ma Tau o Fanua	3,164,871	2,932,430
Teugatupe a le Ofisa	4,415,613	4,086,829
Aofaiga o tupe teu faafaigaluega i le UTOS	7,580,484	7,019,259

7. Isi aitalafu ma tupe muai totogi atu

O lo o faamanino atu i lalo auiliiliga o isi aitalafu ma tupe muai totogi atu:

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiuina 30 Iuni 2020

	2020	2019
	\$	\$
Tufatufaga maua mai	180,488	430,629
Tupe muai totogi mai	9,047	3,476
Aofaiga o isi aitalafu ma tupe muai totogi atu	189,535	434,105

8. Tinoitupe – Esetete, Teugatupe tau Mavaega ma Tau o Fanua
O lo o faamanino atu i lalo auiliiliga o tinoitupe o loo taua i luga:

	2020	2019
	\$	\$
Esetete	1,960,852	649,877
Teugatupe tau mavaega	297,051	313,553
Tau o fanua	1,862,726	1,803,967
Tupe faasili & pa'ū e lei mautinoa i tupe teu faafaigaluega i le UTOS	663,735	568,982
Aofaiga o tinoitupe - Esetete, Teugatupe tau Mavaega ma Tau o Fanua	4,784,365	3,336,379

9. Isi o loo nofo aitalafu ai ma aitalafu faaputupu

O lo o faamanino atu i lalo auiliiliga nei o isi o loo nofo aitalafu ai ma aitalafu faaputupu:

	2020	2019
	\$	\$
Tupe faaalu faaputupu	298,945	248,037
VAGST totogi atu	97,015	72,554
Isi o loo nofo aitalafu ai	1,173	1,123
Aofaiga o isi o loo nofo aitalafu ai ma aitalafu faaputupu	397,133	321,714

10. Nonogatupe o loo totogi mai

O lo o faamanino atu i lalo auiliiliga nei o nonogatupe o loo totogi mai:

	Leai ni faamalumal		2020	2019
	Mokesi	uga	Aofai	Aofai
	\$	\$	\$	\$
Aofaiga Nogatupe uma lava	122,810	1,347,138	1,469,947	1,516,930
Tupe faaagaga mo Nogatupe masalomia le le toe totogiina mai	-	(1,184,353)	(1,184,353)	(1,233,944)
	122,810	162,785	285,594	282,985

Gaoioiga o tupe faaagaga mo nogatupe masalomia le le toe totogiina mai:

	Leai ni faamalumal		Aofai	Aofai
	Mokesi	uga	\$	\$
	\$	\$	\$	\$
Paleni amata	-	(1,233,944)	(1,233,944)	(1,233,944)
Toese: Aitalafu le lelei le totogiina ae ua toe aoina mai	-	27,771	27,771	-
Aitalafu ua toe fetu'unai	-	21,821	21,821	-
Paleni faaiu	-	(1,184,353)	(1,184,353)	(1,233,944)

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiuina 30 Iuni 2020

11. Meatotino tumau

O auililiga nei o meatotino tumau:

Tau	Komepiuta	Taavale Afi	Meafale / Masini	O loo faatauina	Aofaiga
Paleni i le aso 30 Iuni 2019	45,178	270,525	50,721		366,423
Faaopoopoga	-		6,024	15,847	21,871
Lafoai	-	-	-		-
Paleni i le aso 30 Iuni 2020	45,178	270,525	56,745	15,847	388,295
Faaitiitia o Aoga					
Paleni i le aso 30 Iuni 2019	37,218	214,431	36,490		288,140
Faaitiitia o aoga	2,826	23,043	4,843		30,713
Lafoai	-	-	-		-
Paleni i le aso 30 Iuni 2020	40,045	237,475	41,333		318,853
Aoga Faamauina					
Paleni i le aso 30 Iuni 2019	7,960	56,094	14,231		78,283
Paleni i le aso 30 Iuni 2020	5,133	33,050	15,413	15,847	69,442

Tau	Komepiuta	Taavale Afi	Meafale/Masini	Aofaiga
Paleni i le aso 30 Iuni 2018	133,352	272,662	187,304	593,318
Faaopoopoga	4,140		5,511	9,651
Lafoai	(92,314)	(2,137)	(142,094)	(236,545)
Paleni i le aso 30 Iuni 2019	45,178	270,525	50,721	366,424
Faaitiitia o Aoga				
Paleni i le aso 30 Iuni 2018	127,188	193,525	171,790	492,503
Faaitiitia o aoga	2,271	23,043	5,372	30,686
Lafoai	(92,241)	(2,137)	(140,672)	(235,050)
Paleni i le aso 30 Iuni 2019	37,218	214,431	36,490	288,140
Aoga Faamauina				
Paleni i le aso 30 Iuni 2018	6,164	79,137	15,514	100,814
Paleni i le aso 30 Iuni 2019	7,960	56,094	14,231	78,283

12. Tupe faavae tuuina mai e le Malo

O auililiga nei o tupe faavae na tuuina mai e le Malo:

	2020	2019
	\$	\$
Tupe faavae tuuina mai e le Malo	18,780,650	18,780,650

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiuina 30 Iuni 2020

13. Tinoitupe e lei tapaina

O auiliiliga nei o tinoitupe e lei tapaina:

	2020	2019
	\$	\$
Tinoitupe e lei tapaina	<u>447,726</u>	<u>447,100</u>

O loo atagia mai i aofaiga o loo tuuina atu i luga tau i fanua atoa ai ma tupe mai isi esetete ma teugatupe tau mavaega ua tele tausaga ua faamauina i le Ofisa ma o lea ua faavasegaina o tinoitupe e lei tapaina i lalo o le Tulafono o le Puleaina o Tupe a le Malo 2001, ma e tataua ona totogiina atu i le Matagaluega o Tupe.

14. Noataga tau tupe faavae ma tupe faaleoleo mo aitalafu

O loo iai ni mataupu i le Faamasinoga e faasaga i le Ofisa Tausi Mavaega i totonu o lenei tausaga faaletupe.

O loo aofia ai se mataupu sa faataunuuina i le tausaga faaletupe na faaiuina ia 30 Iuni 2010 lea na poloaiina ai e le Faamasinoga Maua luga le Itu Tetee e le agavaa i le fanua ae ao i le Tausi Mavaega ma le Itu Tetee (\$100,000 le tau sa talosagaina) ona soalaupule ma faia se faaiuga e tusa ai ma se tau talafeagai.

Ia Mati 2020, na faaleaogaina ai e le Faamasinoga Maua luga le talosaga a le Ofisa ina ia totogiina ana pili faalefaavae i se tasi o mataupu tau esetete. O le a valaauina le talosaga apili a le Ofisa ia Aukuso 2020 i luma o le Faamasinoga o Apili. A fai ae le manuia, e ono totogiina e le Ofisa se tinoitupe pe a ma le \$59,000.00.

15. Suiga o le Faiga Fa'avae Faatausi Tusi IAS 20

Sa faamauina e le Ofisa Tausi Mavaega tupe faaletausaga faamatuu mai e le Malo seia oo mai le tausaga faaletupe 30 Iuni 2018 i lalo o Tupe Faavae e tusa ai ma tuutuuga o le IAS 20. Ae peitai, na atagia mai i se toe iloilo o le natura o nei tupe e tusa ai ma le vaega 18(3) o le Tulafono o le Ofisa Tausi Mavaega 1975 o loo faaogaina e le ofisa lenei seleni e faatupe ai ana galuega faatino. Ona o lea tulaga, e ao ona faamauina nei tupe i le faaogaina o tupe (Profit & Loss) ae le o tupe faavae (Equity).

Na faamamaluina lenei suiga i le tausaga faaletupe na faaiuina ia 30 Iuni 2018 ma o lea ua suia ai fuainumera faatusatusa mo le tausaga faaletupe na faaiuina ia 30 Iuni 2017 mo faamoemoega o faatusatusaga.

E tusa ma le \$493,000 le siitaga i le tupe mamā mo le tausaga faaletupe na faaiuina ia 30 Iuni 2018 ae \$502,000 le siitaga mo le tausaga faaletupe na faaiuina ia 30 Iuni 2017 ona o le faamamaluina o lenei Suiga o le Faiga Fa'avae Faatausi Tusi.

Ofisa Tausi Mavaega
Faamatalaga i Faamatalaga Tau Tupe
Mo le tausaga na faaiuina 30 Iuni 2020

Faamatalaga o Suiga i Tupe Faavae mo le tausaga na faaiuina ia 30 Iuni 2018

O loo faataoto atu i lalo ootoga mai Faamatalaga o Tupe a le Ofisa Tausi Mavaega ina ua faaogaina le Suiga o le Faiga Faavae Faatausi Tusi.

	Tupe Faavae tuuina mai e le Malo \$	Tupe faaagaga mo totogi faaloia \$	Tupe Faaleoleo ma Tupe Fa'aagaga \$	Faaputuga tupe Mamā/(Pa'ū) \$	Aofai \$
Paleni e pei ona iai i le aso 30 Iuni 2018	18,780,650	10,000	(8,628,331)	(5,336,172)	4,826,147
Tupe mamā/(pa'ū) mo le tausaga				517,842	517,842
Tufatufaga totogi atu i le Malo T/F 2017-2018				(263,841)	(263,841)
Tufatufaga totogi atu				(181,244)	(181,244)
Paleni e pei ona iai i le aso 30 Iuni 2019	18,780,650	10,000	(8,628,331)	(5,263,415)	4,898,904
Tupe totogi atu mo pili a Loia		(3,612)			(3,612)
Tupe mamā/(pa'ū) mo le tausaga				436,874	436,874
Tufatufaga totogi atu				(152,906)	(152,906)
Paleni e pei ona iai i le aso 30 Iuni 2020	18,780,650	6,388	(8,628,331)	(4,979,447)	5,179,259

16. Mataupu ogaoga na tulai mai i le maea ai o le aso o faamatalaga o tulaga o tupe

E leai ni mataupu ogaoga na tulai mai i le maea ai o le aso o faamatalaga o tulaga o tupe e aiaia ai ma faailoaina i totonu o lenei faamatalaga tau tupe (2019: leai).

17. Lisi

O le Lisi i le va o le Matagaluega o Tupe (le e ona fale totogi) ma le Ofisa Tausi Mavaega (le e mau totogi) sa sainia ma aloaia i le aso 4 Aperila 2019 mo le lua (2) tausaga (e pei ona faamauina i le vaega 4 o le pepa o faamatalaga auiliili 1). O le aofai o le Lisi faalemasina mo le ofisa ma le vaega e paka ai taavale e \$24,992.23 (e aofia ai ma le lafoga i luga o oloa ma auunaga).

O lenei Lisi ua faamutaina lona aoga ma e lei maea tapena le faafouina o lenei lisi i totonu o le tausaga faaletupe. Ona o lea tulaga, e le o faailoaina i totonu o faamatalaga tau tupe le Aitalafu mo le Lisi ma le Aia e Faaoga ai se Meatotino e tusa ai ma le Aiaiga o Ripotiina o Tupe Faava-o-Malo 16 (IFRS 16).

18. Fuafuaga tuufaatasia mo fesoasoani faamāmā avega mo le Koviti-19

Na pasia e le Komiti Faatino o Tupe teu Faafaigaluega se fuafuaga tuufaatasia a le Ofisa mo se fesoasoani faamāmā avega i le Malo o Samoa ona o le aafiaga o le tamaoaga e mafua mai i le faamai o le Koviti-19 o loo aafia ai le lalolagi atoa.